

Brevis et succincta enarratio iurium Cur  
landiae ...

XVIII. 2. 1308



B R E V I S  
&  
Succincta Enarratio  
J U R I U M  
C U R L A N D I Æ  
&  
S E M I G A L L I Æ  
circa  
*Electionem novi Principis.*



XVIII.2.1308

<http://rcin.org.pl>



Us eligendi sibi Duces, Cur-  
landiæ & Semigalliæ compe-  
tens, brevibus demonstratu-  
tus, non abs re fore judico,  
succinctam præmittere enar-  
rationem mutationum, quibus Regimen Li-  
voniæ, usq; ad tempora Gotthardi Kettleri,  
primi Curlandiæ Ducis, obnoxium erat.

Erat enim Livonia antiquioribus tem-  
poribus adeo incognita gentibus Occiden-  
tem spectantibus, ut in aëre is piscaretur,  
qui in earum historicis codicibus ante 1158.  
post Salvatoris Natalitia annum, compila-  
tis, mentionem de hac regione quæreret.

Cum verò Bremenses, qui olim nume-  
rosa

rosa mercatoriarum navium classe, peregrinas oras lucri quærendi causa visitabant, ad littora Livoniæ fortuitò appulsi regionem hanc dictò anno detexissent, (a) subministrata est scriptoribus scribendi, statibus verò Europæ disceptandi materia, in cuius Dominium transire deberet detecta regio.

Retulit tandem Palmam Sedes Apostolica, (b) cuius S. Præsul Alexander hujus nominis Tertius, Meinhardum Episcopum anno 1170. in Livoniam misit, qui propagatâ aliquantum fide Christianâ, prima ibi Sedis suæ Episcopalis fundamenta anno 1184. jecit. (c)

Poët Meinhardi fata, collata est à Cælestino, qui tunc Romæ Sacris præerat, Episcopalis Dignitas, Bartholdo à Lochau, quem multi auxilium contra Ethnicos ei latruri, ex Consilio Pontificis, in Livoniam sequabantur. (d)

Hic

(a) vid: Becleri Disert: de acquisito & amissio Imperij Romano-Germanici in Livoniam jure pag, 17 & Russovium ibi allegatum.

(b) confer: Claudius Arrhenius pag: 75..

(c) vid: Arnold: Lubec L.7. c. 8. & Bæcl: l. c p. 8. Bod:l.1. p.2

(d) vid:Duisburg:Chron:Pruf:p.115.Arnold Lubec:1.7.c.8.& 9.

Hic in prælio, dum fortius quam cautiis dimicaret, ab Ethnicis occisus, successorem habuit Albertum Buxhoffium, ab Innocentio III. Pontifice Romano, anno 1204 in Livoniam missum, clarum, quod non tantum limites ditionis suæ Estoniam versus ampliavit, verum etiam Rigam, muro circumdedit..

Confluentibus interim magis magisq; Ethnicis impar viribus Albertus, petiit & obtinuit ab Innocentio III. Ordinis Ensiferorum institutionem, cuius Principatum Vinno, eodem anno 1204 auspicatus, (e) cum magna militum manu, per Indulgentias Papæ contractâ, in Livoniam profectus est.

Gratus quidem Episcopo erat Ordinis adventus, ast minus grata postulatio, ut scilicet tertiae partis totius gentis Ethnicæ imperium Ordini desponderetur; Hinc magnæ inter Episcopum & Ordinem discordiæ; ad quas sopiendas Papa Guilielmum Episcopum Mutinensem in Livoniam misit, factâ insi-  
mul

(e) vid: epist: 191. Innocentij III. edit: Stephani Baluzij & Schurzleitich: in dissert: de Ordine Ensiferorum p.5 . Bæcl: I. I.  
p. 31.

mul constitutione, quâ Ordini tertia pars regionis jam occupatæ, in feudum ab Episcopô Rigensi, directo ejus Dominô, accipienda, id verò omne quod in posterum Ordo devicturus esset, proprio ejus juri adjudicabatur. (f) Eò autem tempore neq; Curlandia neq; Semigallia occupatæ erant; (g) non enim nisi à Volquinô sub potestate Ordinis redactæ sunt.

Erant igitur tum temporis in Livonia duo imperia, Ordinis & Episcopi; quod verò cæso ab Ethnicis Volquinô, secundô Ordinis Magistro, aliquantulum respectu Ordinis immutatum est.

Albertus enim nominis hujus II. Episcopus Rigensis, dum sententiam istam Papæ plus Ordini quam sibi faventem, digerere nullò modò posset, adiit Papam, ut Ordinem Livonicum, Ordini Teutonicorum incorporet; cuius desiderio annuens Papa, Johannem a Meydeburg & Gerlacum, Legatos Ordinis Livonici, in sodalitatem Ordinis

(f) vid: epist: 141. Innoc: III. exedit: Baluz: Schurtzfl: 1.c.  
(g) Schurtzfl: 1. c. 6.

dinis Teutonici, præsente ejus Magistro, anno 1238, adscivit. (b)

Post hanc conjunctionem, Hermannus cognomine Balk, Magister Provincialis in Livonia, omnesq; ejus Successores, à Generalibus Magistris & Capitulō magnō in Prusia eligebantur; usq; dum Waltherus à Plettenberg rationem evehendii Ordinis iniit, & suō atq; Ordinis nomine, cum Magistro Generali & Teutonica sodalitate pactus est, ut persolutā magna pecuniā summā, ab ejus potestate & imperio, liber deinceps exemptusq; esset; quod evincunt Diplomata anno 1521. die Michaēlis, Regiomonte, & 1525 post diem Valentino Sacrum, Posonij emanata. (i)

Quæsita sic Provinciæ libertate, Ordo Equestris suos sibi eligere cepit Magistros, & Magister Plettenbergius, auspiciō Caroli V. in tabulas Principum Imperij Romano-Germani

(b) vid: Petr: Duisb: Chron: Prus: c. 28. Hartkn: de var: rebus Prus: diss: 19. § 3. ibiq; Russovium allegatum.

(i) conf: Russov: Chytracus & Menij prodr: Historico Livon: pag: 12.

manici relatus est; quā Prærogativā & Successores ejus in Magisterio gavisi sunt. (k)

Cum autem Supremus Livoniæ Magistratus, absq; consensu Ordinis Equestris Coadjutores sibi adsciscere præsumeret & tali ratione juri eligendi, quod Magister Livoniæ Waltherus à Plettenberg, & suò & Ordinis nomine acquisivit, derogare videtur, Comitia Generalia Volmaria anno 1546 instituta sunt, in quibus expressa lege Sanctum, ne fas esset, alicui statui, sive Magistratui Supremo unitarum Provinciarum Livoniæ, Coadjutores, absq; communi suffragiō totius Ordinis Equestris sibi eligere; si quis eorum contra faceret, Cives cæteri, soluti vinculō jurati obsequij, violanti legem hanc justâ vi obsisterent. (l)

Et cum Furstenbergius primò in Coadjutorem, postea anno 1557. in Magistrum eligeretur, protestatus est contra hanc electionem, Ordinis Mārechalcus, Casparus à Münster

(k) conf: Schurtzfl: Hist: Ensifer: p. 117. & Menius l. c.

(l) vid: Claudium Arrhen: p. 90. & Menij Prodr: hist: Livon: pag: 18. item Reces: Volm: de anno 1546.

ster, dicens, quod Furstenbergius ceu durioris ingenij homo, incapax esset servandæ cum vicinis Polonis amicitiæ, quam tamen excollere, necessitas exposceret. (*m*)

Sic quoq; Gotthardus Ketlerus nonnisi in Comitijs Valkenæ habitis, unâ omnium sententiâ Ordinis Coadjutor electus; (*n*) qui non ita multo post, cùm Furstenbergius curis labôribusq; confectus, Principatu Ordinis se abdicasset, ad Magistri Dignitatem ab Ordine Equestri eelectus est.

Si itaq; uti ex deductis patet, Jus eligendi Magistros Livoniæ penes Ordinem Teutonicæ Sodalitatis, ab initio stetit;

Si hoc Jus eligendi Waltherus à Plettenberg Ordinis Equestris in Livonia Magister, & suo & Ordinis nomine, exsolutâ magnâ pecuniâ summa acquisivit;

Si hoc Jus eligendi, Ordo Equestris in Livonia, nemine contradicente, quocunq; tempore in posterum exercuit, & contra at-

B

ten-

(*m*) conf: Menius pag: 20.

(*n*) vid: Schurzfl: hist: ensif: p. 150.

tentata, quæ juri eligendi sibi competenti, derogare viderentur, leges sancire potuit, & sancivit;

Si deniq; ultimus Magister & primus Dux Curlandiæ Gotthardus Ketlerus, in Comitijs Valkenæ habitis, solitō modo communi Ordinis Equestris suffragiō electus, sat luculenter constat, Ordinem Equestrem Ducatum Curlandiæ & Semigalliæ, cum Elec̄to & jure eligendi, in protectionem & clientelam Regum & Reipublicæ Poloniae Magniq; Ducatus Lithvaniæ abijsse.

Cum verò

imò. Per Pacta primæva & juramentum à Divo Sigismundo Augusto super his præstitum Ordini Equestri omnia Jura, libertates, Privilegia, Consuetudines, Præminentiæ, moresq; antiqui generaliter vindicata & stipulata exstant; (o) ergo & jus eligendi quâ Præminentia Ordo Equestris, antiquius gavisus est, plenariè reservatum & confirmatum

(o) vid: §. 3. Pacta primæv: Vilnæ 28. Novembr: 1561 & Juramentum D. Sigis: Augusti circa subjectionem præstitum p. 52.

tum esse sequitur; nam qui omnia dicit, nihil excludit

*2dō.* Nemo negabit, quod Dux in locum Magistri sit substitutus; si igitur Nobilitati jus eligendi Magistrum competit, jusq; omne in Pactis & Privilegio Divi Sigismundi Augusti, secundum mores antiquos reservatum est; Jus eligendi Ducem, qui in locum Magistri successit, per oblationem feudi ademptū esse, nullo jure, nullaq; ratione dici potest, cum surrogatum semper sapiat naturam ejus, in cuius locum Surrogatur.

*3tō.* De Ducatis Moldaviæ & Vallachiaæ constat, quod prioribus temporibus, cum Serenissimis Regibus & Iuclytæ Republicæ Poloniæ, adhuc subjecti essent, Jus eligendi & præsentandi Principes habuerint, & nomine contradicente exercuerint. Hinc colligitur, feudum in casum aperturæ, non tam ad præscriptum juris feudalis æstimandum, sed uti in rebus omnibus, ita quoq; in feudis, ad pacta respiciendum esse. Cum igitur Pacta subjectionis, Curlandiæ & Semi-

galliae Jura omnia secundum leges, consuetudines, moresq; antiquos relinquant, ita & in eligendo Duce, si prioris Stemma defecerit, mores eorum antiquos ex Pactis reliatos, dijudicandum est; adeoq; pro moribus antiquis in eligendo Duce militat præsumptio, donec probetur, quod casus hic specialis sit exceptus. His accedit, quod feuda Ducalia Regno Poloniae sint constituta, ut sicut ibidem unicuiq; Nobili in eligendo Rege libera vox relinquitur, ita & hoc Ducatis Curiandiæ & Semigalliæ tributum esse censeatur, ut eorum formula Regiminis, libertati liberi populi adæquata, eo gratior & acceptior esset; Quod ex inductione exemplorum, in quibus nullum dissimile datur, satiis clare patescit. Hinc recte concluditur: in quo Regno libera Regis Electio Nobilitati competit, in eodem Regno & Ducatis facultatem eligendi Ducem, quam ante Incorporationem habuerunt, relictam necesse est.

*4to. Regnante Lechicâ, Piastensi & Jagellonicâ*

Ionicā lineā, regnum Poloniæ usq; ad Sigismundum Augustum, ultimum ex Jagellonica stirpe Regem, hæreditario successivum, salva tamen libertate eligendi, erat. Quemadmodū autem hic Ordo successionis, libertati eligendi neutquam derogavit, quin potius extinctā lineā Jagellonicā antiquus mos, & præeminentia eligendi Reges, iterum in Regno Poloniæ, Magnoq; Ducatu Lithuaniae revivisceret, itaq; antiquo mori & Præminentiae Ducatum Curlandiæ & Semigalliae, per successionem hæritariam lineæ Ketlerianæ, aliquid derogatum esse, neutquam de jure affirmari, adeoq; nec vitio ijs verti potest, si deficiente stirpe Ketlerianâ, ordine successorio stabilitâ, pristina jura sua eligendi Principem, sibi vindicant, & secundum pacta subjectionis, Juramentum D. Regis Sigismundi Augusti, & Privilegia Nobilitatis, eò magis in usum deducunt, quo magis planum atquè conspicuum est, quod Ordo Equestris Ducatum Curlandiæ & Semigalliae, hoc jus præsentandi Principem, existente casu aperturæ, jam post  
subje-

subjectionem suam exercuerit. Cùm enim Dux Guilielmus Ducatu excidisset, Ordo Equestris Principem Jacobum, Guilielmi Filium, vivente adhuc Principe Domino Friderico Curlandiæ & Semigalliæ Duce, Sacrae Regiæ Majestati præsentavit, & per preces, supplicationesve suas, sollicitè interpositas, obtinuit, ut ad eum Ducatus Curlandiæ & Semigalliæ, cum pleno jure successorio ordine devolveretur. Et hoc in fundamento pactorum primævæ subjectionis factum esse, non obscurè testantur verba responsi in Comitijs Varsaviensibus anno 1637. dati, ita sonantia:

*Quæ ad Sacram Regiam Majestatem, Dominum nostrum Clementissimum, per Legatos Illustris Principis Friderici, Curlandiæ & Semigalliæ Ducis, tum etiam per internuntios Curlandiæ & Semigalliæ Nobilitatis, tam viua voce, quam scripto sunt data, benignè eadem Majestas accepit. Et quidem quod attinget legationis ac postulatorum Illustris Ducis, Nobilitatisq; caput, successionem in Duca-*

*Ducatum Curlandiae & Semigalliae Illustris  
Principis ex Fratre Nepotis, Ducis Jacobi,  
NB. in hoc primevaæ sujectionis Pactis, in-  
vestituris Ducatibus, Privilegijs, tum for-  
mulæ Regiminis ac datis eo nomine respon-  
sis, Sacra Regia Majestas pro affectu suo  
erga Domum Ducalem, & erga Nobili-  
tatem, insistit.*

50. Divisionem Ducatum Curlandiæ  
& Semigalliae in Palatinatus, quam Constitu-  
tio de anno 1589. innuit, pacta subjectionis  
nullatenus admittunt. Cùm enim ni-  
hil magis Republicas quassare atq; concu-  
tere soleat, quam legum, consuetudinis &  
morum mutatio, uti ex prudensissimo atq;  
verè divino consilio D. Sigismundi Augusti  
patet; (*p*) Nobilitas pro fundamento Pacto-  
rum subjectionis posuit, & ex eo impetra-  
vit, quod modò altissimè fatus Rex, in Pri-  
vilegio suo Ducatibus Curlandiæ & Semi-  
galliae dato, omnia Nobilium jura, benefi-  
cia, Privilegia sacerularia & Ecclesiastica, de-  
niq;

(*p*) confer: Priv. Nobil: §. 4.

niq; & Jurisdictionem totalem juxta leges & consuetudines, moresq; antiquos confirmaverit, exinde sequitur, quod idem status, qui tempore oblati feudi fuit, perpetuo & in æternum manere debeat, & post Paæta subjectionis nulla mutatio admittenda, sed omnia in priori statu, uti conventum, relinquaenda sint. Jam tempore oblati feudi Curlandia & Semigallia statum Ducatum accepit; (q) si quis igitur hunc statum Curlandiæ & Semigalliae ex præscripto communis juris feudalis mutandum, & extincta stirpe Celsissimi quondam & Illustrissimi Gothardi Ketleri, Primi Ducis Curlandiæ, ex Constitutione de anno 1589. (r) Ducatus hujus Provincias in Palatinatus, vel in aliam formam Regiminis, mutari posse adjudicaverit, is fundamentum pæctorum destruit, ut pote quæ, uti deductum, nullam mutacionem

(q) confer: §. 7. Pætor: primæv:

(r) de abolienda hac Constitutione Ordo Equestris in superfluum per legatum suum Georgium Vischer Capit: Vindaviensem protestatus est, quod evincit Attestatum Hieronymi Radzieiewski tum temporis Marchalci Ordinis Equest: Varßav: die 28. Martij 1645.

nem multo minus immutationem totius status permittunt. Nam quod Pacta sint servanda, & quod in præjudicium Paetorum antea initorum, & juramento corroboratorum, nulla lex sanciri, nec Pacta priora, parte altera invitâ, aut inscia, imminui, multo minus plane tolli queant, hoc unicuique notum est.

6tò. Clarius hæc dilucescent, si finem respiciamus, cur Magistro Ordinis, titulus Ducalis, cum omni Dignitate, insignibus & Privilegijs Ducalibus, sit tributus. Is autem non est, ut Duce uno alterove, & eorum posteris defientibus, Curlandia & Semigallia in Palatinatus dividatur, seu cum his Ducatibus, inconsultis ijs quorum interest, vel ijs qui Jus quœsิตum ex pactis habent, liberè disponatur; sed juxta verba in Pactis expressa finis hic est, ut Dux vicinorum Regum & Principum affinitate amicitia suffultus, contra hujus Provinciæ hostes, eò solidior, firmiorque compareat.

C

(s)

(s) Quid autem huic fini, adeoq; pactis subjectionis magis contrariū est, quàm Ducalem Dignitatē, Magistro Ordinis, in firmitatem Provinciæ tributam, abrogare, & in aliū statū formare, quàm ex consilio Nobilitatis, (t) & approbatione Regia ob certam atq; exp̄sam causam formatus est.

7mo. Igitur etiam in alia subsequenti Constitutione de anno 1683. provisum est, ut quotiescunq; novus Ducatum Possessor existet, ipse Curlandiæ Dux in persona sua Regi homagium pr̄stare teneatur, quæ provisio planè superflua fuisset, si subsistere potuisset, ut juxta Constitutionem antea mentionatam de anno 1589. Curlandia & Semigalia Ducatus esse desinant. Ideoq; & Constitutionis posterioris eo major valor est, non solum ob eam causam, quod lex posterior, deroget priori, sed etiam quod pactis subjectionis & Privilegio D. Sigismundi Augusti sit convenientior. 8vō.

(s) conf: transactio Magistri Gothardi Ketleri cum Ordine Equestri inita Rigæ 11. April: 1560 item Provisionem Ducalem à Domino Sigismundo Augusto Rege Poloniæ dīc 28. Novemb: 1561. datam.

(t) vid: §. 7. pact: primav.

8vò. Ducatus Curlandiæ & Semigalliæ est feudum, quod non à solo Magistro, sed etiam ab Ordine Equestri, adeoq; non abdicativè sed cumulativè, (*u*) sub certis pactis Serenissimis Regibus Poloniæ oblatum, (*v*) ac Regno Poloniæ, Magnoq; Ducatui Lithvaniæ incorporati atq; uniti, & sic pro socijs (*w*) Republicæ recepti sint. Jus igitur ex Pactis, & non soli Magistro, sed &

## C2

## Ordi-

(*u*) uti id demonstrat non solum transactio ante subjectionem inter Magistrum & Ordinem Livoniæ, Rigæ 1560 inita, sed & Plenipotentia Nobilitatis ad unionem & incorporationem, Goldingæ anno 1568 data. Item Pact: subje&: in proximo, *in verbū* post varios multosq; tractatus hoc tempore inter Nos & prædictum Principem, aliorumq; Ordinum ac Civitatum Nuntios, conventum est.

(*v*) Distinguendo feuda data & oblata Pussendorf in tract: Monzamb: rem his exhaustit verbis: Evidem cui de feudo meo aliquid concedo, eundem & in plenum, utut honoratiorem subditum mihi adsciscere possum, & quas placeat leges ipsius possessioni præscribere. Sed qui bona jam antea parta ab altero tanquam feuda deinceps vult recognoscere, ille nihil aliud agere est intelligendus, quam ut isti, quem Domini feudum salutat, sese tanquam inæqualitet fæderatum adjungat. Stat: Imp. c. 5. §. 4. cui adstipulatur Grotius de jure belli & pacis l. 1. c. 3. §. 23.

(*w*) vid: pa&: subj: sub init: *in verbū:* Novis pactis & fæderibus devincta & consociata. Item Koiałowicz & Zawadzki Hist: Lithvan: l. 8. p. 447. & anomalia in capitibus Imperij Sarmatici pag. 115.

Ordini Equestri quæsum, & hucusq; integrum atq; illibatum reservatum, ipsis invitatis, & sine facto suo auferri non potest; quod autem fieret, si ex Constitutione sæpius fata de anno 1589 divisio hujus Provinciæ in Palatinatus sequeretur.

*gnò.* Non obstat huic formula Juramenti, vi cuius Curlandia & Semigallia post fata Ducis & ejus stirpe extincta, se Regi & Republicæ immediate subjecit. Ut enim vulgariter notum est, quod res secundum materiam substratam exponi, nec tam rigor verborum, quam mens eorum inspici debet; ita quoq; hoc Juramentum in terminis habilibus, & non contra, sed secundum Pacta, utpote quorum æterna debet esse auctoritas (*x*) intelligendum est. Nam quoniam Nobilitas Curlandiæ & Semigalliæ jure suo habendi Duces se nunquam abdicavit, consolidatio Dominij Directi cum utili in juramento contenta, non æterna, sed temporalis est, & ad tempus Vacantiæ Sedis Ducalis determini-

(*x*) vid: form: regim: § in quibus conventibus.

terminada, quo usq; nondum novus Ducatus possessor ex consilio Nobilitatis, & Sacræ Regiæ Majestatis approbatione constitutus est. Idem obtinet in omnibus feudis Regalibus, in quibus extincta linea regente, Dominium utile nō cessat, sed subtractis debitibus & expēsīs feudalibus, cum Directo consolidatur. Quæ interpretatio etiam in formula Regiminis, in qua juramentum hoc continetur, fundatur, dum in ejus principio, Paœta subjectionis pro fundamento totius formulæ regiminis, consequenter & pro fundamento hujus juramenti ponuntur. Hinc id non in præjudiciū statuum præter, multo minus contra, sed secundum Paœta subjectionis accipiendum & dictō mōdō intelligendum est.

10. Præterea D. Sigismundus Augustus recepit, & juramento confirmavit, quod subditi Curlandiæ & Semigalliae penes Magistratum suum Germanicum sint relinquendi. Si igitur juramentum antea mentionatum juxta rigorem verborum esset assumendum, in hac etiam parte Pactorum subjectionis vis & intentione

tio imminueretur, dum Magistratus Germanicus, qui sub Ducis titulo tum temporis præerat, (y) & etiam præesse debuerat, ei auferretur, cui non contrariatur, quod in Pactis subjectionis nihil de Principe, sed id ipsum saltem de eo Magistratu expressum, cuius partium enumeratio, in verbis mox sequentibus, adjecta est. Nam respondetur quod exempla in eo loco sint apposita, non ut ijs Princeps, summus Provinciæ Magistratus excludatur, sed cum Princeps Germanicæ nationis jam adesset, de quo antea subditi satis sufficienterq; sibi providerant, superfluum visum fuit, denuo de Principe speciatim & nominatim providere. Ad hæc notum est, Duces quoq; inter Personas Magistratus referri, & quod per vocem Magistratus in excellentiori significatu, semper Supremus Magistratus, seu Princeps intelligatur. Dum igitur Pacta volunt, ut subditi Curlandiæ & Semigalliæ, penes Magistratum suum relinquuntur, tum temporis autem & Princeps Ducatibus Curlandiæ

(y) vid: art: 5. pact: subjectionis.

landiæ & Semigalliæ jam præterat, necesse est, quod sub eadem expressione, Princeps simul comprehendatur, nec sine Pactorum læsione alia regiminis forma quam Principis admitti possit. Nam subditos apud Magistratum suum relinquere, & subditos apud Magistratum suum supremum, seu Principem non relinquere sunt contradictoria, quæ simul esse & non esse, non possunt. Præterea ipsa Formula Regiminis Principem Curlandiæ sub voce Magistratus exprimit, (z) ut adeo nullum dubium supersit, quin in pactis subjectionis, quibus formula Regiminis superinstructa, sub voce Magistratus, comprehendatur, ipse Curlandiæ & Semigalliæ Princeps.

Jure eligendi Principem Ducatus Curlandiæ & Semigalliæ, ita extra omnem dubitationis aleam posito Ordo Equestris omni spe & fiducia lactatur, Serenissimam Regiam Majestatem, & inclytam Rempublicam Poloniæ, Magniç; D. Lit: cui semper libertatum

prote-

(z) vid: formula Regiminis §. ante cætera vero, *in verbis*, quo-  
cunq; Magistratu succedente. Item §. quia vero Ordo E-  
questris, *in verbis*, huius Duçatus Magistratu.

protectio amica fuit, circa Jura, Privilegia, Libertates, Præminentias, moresq; antiquos, eo magis cum conservaturas esse, quo magis id, justitia, æquitas, ratio, & paœta primæva suadent, & sequenti modo §. 6. innunt: *Quidquid publicè vel privatim universis & singulis de jure & aequitate compete re videtur, vel videbitur, Nostris literis & diplomatibus confirmaturos, nec ullam in prædictis diminutionem, sed potius pro Regia Nostra gratia & beneficentia augmentum & accessionem facturos.*

Et in fine: *Nos vero Principem ipsum benevolentia & favoribus, subditos vero illius & nostros clementia & benignitate Nostra Regia prosecuturos, ornatus & audiuros.*





XVIII.2.1308